

ACADEMIA POESEOS ITALICA E. I. P. ITALIA Schola Pacis Instrumentum

Studiosi, cultoribus et discipulis

CERTAMEN V. TANTUCCI SCEVOLA MARIOTTI POESEOS LATINAECERTAMEN II PROPOVNNT

Praeclaro linguae Latinae cultori s. d. p. Anna Paula et Lina

Te, praecclare linguae Latinae cultor, de certamine, quod praeclara consociatio *Academia Poeseos Italica nec non E. I. P. Italia* praemium *Tantucci et Scevola Mariotti*, adiuvante Universitate Pontificia Salesiana nec non Lyceo Romano L. A. Seneca, Provincia Romana patrocinante, edicere statuerunt, certiorem facere non dubitamus. Ideo te, comitate atque humanitate tua confisae, oramus atque obsecramus, ut edictum longe lateque vulges ac diffundas atque omnes linguae Latinae cultores horteris, ut opusculis petidores ad certamen descendant. Nos denique tibi ob ea omnia, quae ad linguam Latinam provehendam facias, gratias plurimas et maximas agimus

Certamen apud *Universitatem Pontificiam Salesianam* magna cum solemnitate pridie Id. April. a. MMXIII celebrabitur. Certamen Linguae Latinae studium nec non loquendi scribendique vim ac pertractationem favet; perennes insuper rerum humanarum respicit quaestiones, quae ut antiqua excitaverunt ingenia ad carmina Latine contexenda ita recentiores vel nostrae aetatis poetae continuo sollicitant.

Certamen insuper studiosos, cultores et discipulos, ut carmen vel opusculum de quodam Romanorum poeta Latine conscribant, adducit. Certamen in duas partes dividitur, quarum prior, **Victorio Tantucci** dicata, gymnasiorum lyceorumque discipulis proponitur. Nam Victorius Tantucci praeclarus illius linguae Latinae grammaticae auctor fuit, quae sexaginta iam annos est vel apud Italos vel apud externas gentes plurimi ducta.

Petitoribus haec praemia tribuebunt:

- qui inter omnes victor evaserit, diplomate et trecentis eurinummis honestabitur;
- qui victori proximo discesserit, diplomate et ducentis eurinummis decorabitur.
- Qui tertio erit praemio dignus ductus, publica laude tantum ornabitur.
- Omnibus victoribus per diploma credita scholastica meruent.

Omnibus petitoribus, qui Certamini V. Tantucci interesse cupiant, haec sunt observanda praecepta:

- scripta, quae prosa oratione exarantur, sumnum centum triginta verba, minimum centum complectantur;
- poetarum fetus ne minus XXV versibus constent neque numerum XXV versuum excedant;
- petitor opus suum, machinula scriptum vel computatro, in ima pagina nomine et cognomine notet; addat insuper domicilium, telephonii numerum, cursum electronicum lyceique titulum;
- unusquisque petitor quinque operis exemplaria mittat.

Unumquodque Lyceum discipulorum opera, qui praemio V. Tantucci interesse cupiant, ante Idus Martias a.

MMXIII ad Universitatem Pontificiam Salesianam, ut est infra scriptum,mittenda curet. Quod sigillum cursuale clarum testimonium praebet.

In involucro praemium index, cui opus interfuturum sit, notetur.

Altera certaminis pars, **Scevolae Mariotti** dicata, linguae Latinae cultoribus et studiosis proponitur. Nam Scevola Mariotti, quod neminem latet, praeclarus apud Studiorum Universitatem *La Sapienza* philologus fuit; una cum Aloisio Castiglioni *Lexicon Linguae Latinae* edidit.

Omnibus petitoribus haec sunt observanda praecepta:

- scripta, quae prosa oratione exarantur, sumnum ducenta uerba, minimum centum et quinquaginta complectantur. Argumentum ad philologiam pertinens ipsi sibi seligat petitor;
 - poetarum fetus ne minus octoginta versibus constet neque numerum centum versuum excedat;
 - petitor, ubicumque terrarum est, quinque operis sui exemplaria, ad unum tantum argumentum pertinentia, machinula scriptoria vel computatro exarata, Kal. Mart. a. MMXIII ad Universitatem Pontificiam Salesianam, ut infra scriptum est, mittenda curet. Quod sigillum cursuale clarum testimonium praebet.
 - petitor opus suum in summa pagina sententiola notet, quam super involucrum, in quo scidula nomen et cognomen nec non domicilium, cursum electronicum claudetur, grandioribus litteris exarabit;
 - petitor denique curet, ne nomen super involucrum exterius exaret. Id si faciat, excludetur.
- Qui victor evaserit, diplomate ornabitur et trecenti eurinummis tribuentur

Roma a. d. V. Kal. Nov. a. MMXII.

Lina Sergi Lo Giudice - Anna Paola Tantucci

Certamen di Poesia Latina - Università Pontificia Salesiana - Pontificium Institutum Altioris Latinitatis

Facoltà di Lettere Cristiane e Classiche - Università Pontificia Salesiana

Piazza Ateneo Salesiano 1 - 00139 Roma

www.latinitas.unisal.it

Tel.: +39 06 87290260 - Fax: + 39 06 87290397

Il Bando del Concorso sarà presente anche
sui siti www.eipitalia.it e del MIUR www.istruzione.it